


華錄




漢書門		二二四	九	一六六
類	號	函	架	冊

內閣文庫		漢書	二二四	九	一六六
類	號	冊	架	函	冊

內閣文庫		
番號	漢	2249
冊數	16	(6)
函號	286	101

六



東華錄卷之六



順治十八年正月遺詔命內大臣索尼蘇克

薩哈遏必隆鰲拜為輔臣保翊冲主佐理政

務七日丁巳夜子刻上崩於養心殿

聖祖合天弘運文武睿哲恭儉寬裕孝敬誠

信中和功德大成仁皇帝諱上字从山从公



湘源蔣良騏予之父

下字从火从華章皇帝第三子也

大育作天宥

母孝康慈和莊懿恭惠溫穆宗大育聖章皇

后佟氏一等公謚勤襄佟國賴女年十五誕

上于景仁宮乃順治十一年甲午三月十八

日巳時也先是

孝康衣裾若有龍繞

太皇太后謂近侍曰朕曩孕皇帝時左右嘗

見裾袖間有龍盤旋赤光燦爛後果誕聖子

今妃亦有此祥徵至誕辰合宮異香經時不

散又五色光氣充溢庭戶與日並耀

上天表竒偉神采煥發雙瞳日懸隆准岳立

耳大聲洪洵齊天縱稍長舉止端肅志量恢

宏語出至誠切中事理讀書十行俱下畧不

遺忘自五齡後好學不倦六齡時

世祖問其志待長而效法

皇父八齡踐祚後

人作又是也

太皇太后問何欲曰惟願天下人安生民樂

七

業共享太平之福而已順治十八年正月丁

日丁巳

巳七日夜子刻章皇帝賓天先五日壬子不

豫丙辰遂大漸召學士麻勒吉王熙至養心

殿定

上御名立為皇太子令草遺詔命大臣索尼

蘇克薩哈遏必隆鰲拜輔政四臣誓告於

天

大行皇帝神位前

初九日 巳未

上即皇帝位以明年為康熙元年赦天下

甲子王以下及大臣官員齊集正大光明殿

誓告於

天

大行皇帝神位前上

大行皇帝尊謚曰體天隆運英睿欽文大德

弘功至仁純孝章皇帝廟號世祖 二月壬

午移梓官景山壽皇殿 添設六科滿洲官

各二員 三月添設設五城滿御史一員每城二員

四月以副都統三等伯線國安鎮守廣西

宮

院上有部字

吏部尚書伊圖等題為本年三月奉旨 院

土作士另以下同

官員罰土黑勒威勒者不倫有前程與白身

應照職任處罰或任大罰少或任小照前程

罰多似屬不均爾部照依職任大小分別議

奏欽此臣等謹遵旨議得凡部院尚書有一

品二品者侍郎有二品三品者郎中有三品

四品者五品者員外郎有四品五品者主事

有四品五品六品者其品級先後所定之例
雖異俱因除授部院之職支俸為部院事務
罰上黑勒威盛勒俱各照職俸每十兩罰一兩
若此內除部院職任之外有大任大前程者
除大任大前程之俸亦照依部院職任按俸
罰處可也奉旨依議紅本五月奉天府尹張
尚賢言盛京形勢自興京至山海關東西千
餘里開原至金川南北亦千餘里又有河東
河西之分以外而言河東北起開原由西南
至黃泥窪牛莊乃明季昔日邊防自牛莊由
三岔河南至蓋州復州金州旅順轉而東至
紅嘴歸復黃骨島鳳凰城鎮江鴨綠江口皆
明季海防此河東邊海之大畧也河西自山
海關以東至中前所前得後所沙河寧遠連

有中前所中後所

山衍
另

山塔山杏山松山錦州大凌河北面皆邊南
面皆海所謂一條邊耳獨廣寧一城南至閭
陽驛拾三山站右屯衛海口相去百餘里北
至我朝新棟之邊相去數千里東至盤山驛
高平沙嶺以至三岔河之馬圈此河西邊海
之大畧也合河東河西之邊海以觀之黃沙
滿目一望荒涼倘奸賊暴發海寇突至此外

患之可慮者以內而言河東城堡雖多皆成
荒土獨奉天遼陽海城三處稍成府縣之規
而遼海兩處仍無城池如蓋州鳳凰城金州
不過數百人缺嶺撫順惟有流徒諸人不能
耕種又無生聚此河東腹裏之大畧也河西
城堡更多人民稀少獨寧遠錦州廣寧人民
湊集僅有佐領一員此河西腹裏之大畧也

合河東河西之腹裏觀之荒城廢堡沃野千里有土無人此內憂之甚者欲弭外患必當籌畫隄防欲消內憂必當充寔根本以圖久遠之策下部議逆渠鄧耀竊踞廣東廉州之龍門至是官兵擊擒之諭工部朝房尚未全脩未肅官^觀瞻兩傍空地著俱蓋造八月加太祖尊謚為工十字

太宗尊謚為十八字復內三院秘書國史弘文舊

制設滿漢大學士等照尚書侍郎品級其內

閣翰林院名色俱停罷罷政士觀政例

川陝督李國英報擒逆賊郝承裔閏七月

海澄公黃梧招撫鄭芝龍屬下偽都督萬儀

萬祿等投誠九月吏部遵旨詳查

太祖

恐有誤

太宗滿洲守制舊例吏禮二部並無舊冊可查惟順治十年二月禮部覆御史陳啟泰請行通制一疏奉旨三年喪禮著照會典定例遵行有難拘常制者請旨定奪之旨又順治十年六月臣部題滿洲蒙古漢軍各官不便離任丁憂奉有依議之旨遵行已久今議得在京部院滿洲蒙古漢軍大小文官仍應照定例守制一月服滿即出理事私居持服盡三年喪禮外其奉差出兵文官以回京聞喪之日為始亦照定例遵行至各省駐防及在外出任漢軍文官伊父母在任病故也仍應照例遵行父母在京病故者准其解任回京以到日為始守制半年仍私居持服盡三年喪禮所遺員缺相應另補從之十月吏部

鄭芝龍族誅

題直隸已設總督其順天保定兩巡撫應裁
去一員得旨順天巡撫著裁去 鄭芝龍并

其子鄭世恩世蔭等照謀叛律族誅 尊

皇祖妃為壽康太妃 登州于七 捕名小喜
本捕快路

鋸齒牙
山叛 作亂焚劫八邑命都統濟世哈為靖

東將軍征剿將各旗兵馬分駐登萊膠三處

防範海汎并緝于逆 紅本

康熙元年二月吳三桂愛星阿奏奉命征緬

兩路進兵於順治十八年十一月會師木邦

偽晉王李定國奔景線偽鞏昌王白文選遁

據錫波江官兵造筏將渡文選復奔茶山邊

總兵馬寧等追及於孟養文選降三桂愛星

阿自趨緬城十二月初一日大軍至緬城緬

酋執朱申柳獻軍前殺偽華亭侯王惟恭等

十一月上脫
此一畧今
補之

偽永登桂王朱由榔遺三桂書曰將軍新朝之勲臣舊朝之重鎮也世膺爵秩藩封外疆列帝之先帝殺戮我人將軍志興楚國飲泣秦庭編京城殄滅戎社稷當日之本表原未抵也奈何憑藉大國狐假虎威外弛復仇之虛名陰作新朝之佐命逆賊授首之後而南方一帶去宇非復先朝有也南方諸臣不忍宗社之顛覆迎立南陽何國枕席未安干戈猝至宏先紀隆武就誅僕于沈時幾不欲生猶暇為宗社計乎諸臣強之再三謬承先緒自是以來一戰而楚地失再戰而東粵以流離驚竄不可勝數幸李定國迎僕于貴州接僕于南安自謂與人無患今世無爭矣而將軍忘居父之大德圖開創之豐功督師入滇覆我巢穴僕由是渡沙漠聊借緬人以固吾圉山遙水遠言笑誰歡祗益悲矣既失世守之河山苟全微命于蠻服亦自幸矣乃將軍不避艱險諸命遠來提數十萬之衆窮追逆旅之身何視天下之不廣哉嘗天覆地戴之中獨不容僕一人乎抑封王錫爵之後猶欲殲僕以邀功乎第思高皇帝掃風沐雨之天下於不能貽留片地以為將軍建功之所將軍既毀我室又欲取我子讀鴉鵲之章能不慘然心惻乎將軍枕是世祿之裔即不為僕憐獨不念先帝乎即不念先帝獨不念二祖乎列宗乎即不念二祖列宗獨不念已之祖若父乎不知大清何恩何德于將軍僕又何仇何怨于將軍也將軍自以為智而適成其愚自以為尊而反覺其薄矣而後史自傳書有載當以將軍為何如人也僕今者兵衰力弱莞之子立區區之命懸于將軍之手矣如必欲僕首領則雖身碎骨血賤草芥所不敢辭若其轉禍為福或以題方寸去仍存三恪更非取望倘得效太平草木同沾雨露于聖朝僕繼有億萬之衆亦付于將軍惟將軍是命將軍臣事大清亦可謂不忘故主之血食不負先帝之大德也惟冀裁之

一百一人滇南平。三月諭兵部向來綠旗武官叙功加至左都督仍應加級者授宮保銜以後改授世職。尊

世祖章皇帝陵曰孝陵。四月加上

太祖武皇帝尊謚曰承天廣運聖德神功肇紀立極孝睿武弘文定業高皇帝加

孝慈武皇后尊謚曰孝慈昭憲敬順慶顯承天

輔聖高皇后。

太宗尊謚曰應天興國弘德彰武寬溫仁聖睿孝隆道顯功文皇帝。四川總督李國英報擒偽石泉王朱奉鎔恢復兩郡。五月都統濟席哈蕩平山東賊寇班師。總兵許龍擒海寇鄭成功之弟鄭成賜於廈門。六月耿繼茂報海逆鄭成功因其子鄭錦為各偽

鎮擁立，忿怒發狂，於五月初八日，齧指身死。
十月尊上。

聖祖母皇太后曰：昭聖慈壽恭簡安懿章慶
敦惠太皇太后。

母后皇后曰：仁憲皇太后。

母后曰：慈和皇太后。頒恩詔。定西將軍內

大臣公愛星阿平定雲南凱旋。雲撫袁懋

功疏報偽晉王李定國逃奔景線，染病身死。

十一月授偽鞏昌王白文選為承恩公。

十二月河南提督許天寵言：各府州縣當設
公衙門，命文武各官五日一會兵民，有不便
者，有司官將面議，兵部議從之。諭貴州一

切文武官員兵民事務，俱照雲南例。著平西
王管理。
兵部議准將雲貴二者總督巡撫勅書撰入聽平
西王節制字

後段有李來亨
此必衍一李字

康熙二年二月湖廣提督董學禮疏報前奉
命會勦湖廣西山寇李來亨馬騰雲党守
素等隨同總兵穆生輝于大海高守貴鑿山
開道追至李家店擒偽總兵宋段斬獲無算
賊焚巢遁又別將恢復歸州巴東巫山等處
陝督奏提臣王一正率總兵于奮起鮑敬進
剿逆賊郝搖旗於房縣橫水敗偽軍門羅△

正作王昂進作進

十二月庚戌亥刻

兵部修別本係
元年

慈和皇太后崩 兵部議准將雲貴一省總

三月上脫

督巡撫勅書撰入聽平西王節制字 三月

十九日京師天鼓鳴
隨偵星十一城外
七城內四次朝拾
視熱如熾炭若手

命廣東總督移駐廣州府 川督報偽岐候

賀珍子偽富平伯賀道寧納款 四月湖督

報提督董學禮同各鎮大破李來亨於長坪

六月兵部議覆李定國子李嗣興從邊外搜

二十日未刻遼陽殺布台
陸起黑風一股從南向東
吹倒民房四百三十餘間
壓死官婦五百餘口
長坪賊此係別

停八股

誠得旨授都統品級。八月禮部議覆鄉會
考試停止八股文頭場策五篇二場四書
本經論各一篇表一篇判五道以甲辰科為
始從之。以流賊餘孽郝搖旗劉體純李來
亨等竄伏鄖襄山中命都統穆里瑪為靖西
將軍都統圖海為定西將軍同都統宗室穆
琛護軍統領孫達里都統覺羅巴爾布護軍

統領科爾昆率大兵往剿。九月命都統噶
褚哈為鎮西將軍同副都統光泰統滿兵鎮守
西安以西安將軍傅喀禪征西山故也。

禪下有往字

十月川督李國英報巨寇劉二虎李來亨郝
搖旗袁宗第黨守素塔天寶馬騰雲七家出
犯巫山乞發大兵剿滅。福督李率泰奏官
兵會剿延建賊首王鉄佛等擒之。又疏報

提督施琅遣守備汪明等敗海寇於海門斬
偽副將林維等十一月刑部議覆原任按
察使宋琬通同于七謀反一案旨宋琬等原
無通賊情節著免罪十二月耿繼茂李率
泰奏十月臣等統兵渡海攻克廈門賊衆驚
潰登州提督施琅會荷蘭國夾板船邀擊之
斬千餘級乘勝取浯嶼金門二島鄭錦周全
斌等遁耿繼茂奏十月總兵王進功敗海
寇于雲霄鎮

康熙三年正月川督李國英報西安將軍傅
喀禪副都統杜敏會同提督進剿蜀中巨寇於
康熙二年十二月廿三日師次陳家坡奮勇
剿殺賊遁入天池寨杜敏等統兵追剿劉
二虎勢窮自縊郝搖旗袁宗第夜遁杜敏等

復追至黃草坪大敗賊衆擒郝搖旗袁宗第
並偽晉王朱宗滂等 吳三桂疏追剿廣西
隴納山寇生擒妖人阿仲逆寨悉平 二月
耿繼茂疏官兵攻克長腰東蚶二島偽兵部
阮春雷逆渠張煌言僅以身免 西山巨逆
馬騰雲黨守素塔天寶歸誠 三月吏部奉
上諭議大學士缺以各部尚書左都御史推

推

補如不用以各部侍郎學士推補各部尚書
缺照衙門次序以尚書左都御史輔補如不
用以各部侍郎推補吏侍缺以各部侍郎轉
各部侍郎缺以學士左副都御史使大理卿
宗丞推如不用以府尹太常寺推左副都缺
以通政使大理卿宗丞推如不用以府尹太
常卿推如不用以光祿卿推如不用以左通

推、通政使、大理卿缺、以府尹、太常卿推如不用、以光祿卿推如不用、以待讀學士、左右政大理少照考語俸次推、府尹、太常卿缺、以光祿卿推如不用、以左右通大理少推如不用、以太常少鴻臚卿、太僕少督捕理事官、照考語俸次推、光祿卿缺、以左右通大理少推如不用、以常少僕少鴻臚卿、督捕理事官、照考語俸次推、其小四品京堂缺、將每年內陞京官四員、用完後用五品京堂一員、再用內陞司道一員、得旨、學士既推、侍郎以後、大學士缺、停其推用、餘依議、四月、定例、公以下、副都統以上、出征臨陣、接戰時、墜馬人、有以馬與騎者、獎賚銀一百兩、叅領以下、銀六十兩、平人銀二十兩、康熙七年八月、兵部尚書噶楚哈

龔鼎孳等議復崇德年間例副都統以上衣服一襲馬一匹叅領佐領馬一匹白身給牛一頭奉旨

太宗時因馬牛價貴獎勵以馬與墜落之人騎者定有給衣服馬牛之例今馬牛價值甚賤如仍照舊例屬輕者照現行例行

紅本

五月耿繼茂疏報三月初六日與督臣李率

余作余另

泰提臣王進功海澄公黃梧等領兵先後至八尺門偽將軍翁求多率兵民六萬降十四夜半渡海進拔銅山降偽侯黃廷偽都督余寬等兵民三萬餘口鄭錦遁走臺灣命廣西總督自梧州移駐省城七月以福建提督水師總兵官施琅為靖海將軍往剿鄭錦八月浙督趙廷臣疏逆渠張煌言盤踞浙

偽視恐倒

海多年抗不就撫借名歸隱倘徉海外臣密
令將脩徐元張公午扮成僧民獲活口林生
陳滿等知煌言見在懸山花島即駕所獲賊
艘乘夜進一小港從山後覓路突入帳房遂
擒煌言及其親信餘黨搜出偽視師兵部銀
方印一顆偽關防九顆湖廣督張長庚疏
李來亨擁眾茅麓山最為峻險靖西將軍穆
里瑪定西將軍圖海等率禁旅與三省兵合
剿晝夜環攻來亨窮迫自縊舉火焚巢餘黨
蕩平十月彗星見翼宿度指西北方先
是給事中楊萬劾奏康熙二年順天鄉試春
秋題目郝子誤郝子將考試官白乃貞磨卷
沈同考官羅繼謨草職尋命將貼出寫子字
三人覆試俱不合式不錄八旗都統以下

下子字作人

靖南王耿繼茂語令
其子和碩額駙耿精
忠在閣學軍事允之
不錄下此條

武職官員鎮守省城將軍以下武職各官順治年間俱由吏部題補康熙三年歸併兵部

紅本

十一月穆里瑪等班師彗星犯井

宿丙午彗犯胃宿尾指東北十二月壬

戌彗在奎宿度形漸小給事中楊雍建言

本年十月初旬彗星見今五十餘日歷一十

三宿竊念上天垂象示警乞力圖修省廣求直

白光懸然四字

言無難轉災為福得旨楊雍建直言可嘉今

惟力國脩省以合天心甲戌金星生日氣

長三丈

康熙四年二月吳三桂奏總兵李世耀等於

自下有大方自三年十一月自烏蒙進征水西大破之於波

羅箐追至法地屯山擒安地己巳彗星見女

度三桂報官兵進克烏撒土苗安重聖安

國恐圖
日恐白

自下脫兵字

恐丁誤 了作丁別

重乾就擒 暹羅國王森列拍臘照古龍拍
臘馬噶陸坤司由提呀菩埃遣陪臣航海具表
進貢 乙酉彗星在壁一度三十分尾長五
尺餘求直言 三月戊子午刻京師地震有聲
已丑彗星行入奎宿下詔肆赦 辛卯金星
晝見 密諭尚可喜嚴束所屬官兵以廣東
人民為王下兵子擾害甚若失其生理也

四月七日武林富陽縣太平村風日暗潮忽于巳刻
晦黑有石墮地聲如雷折
為二重數百斤
五月初八日山西省城雨霜
三日色甚所雨之氣草木
盡枯
無復科場有此條別

復科場經書策論三場舊制從侍郎黃機言
也 六月吳三桂言迤東土酋王耀祖等本
年三月竊據新興僭號大慶謀犯省城分遣
賊黨攻陷各府縣總督卞三元等分兵剿捕
四月初七日擒耀祖各州縣俱恢復 八月
庚申廣東陽江縣地震有聲 九月甲申山
西太原府地震 九月初八日辛卯

廿五
本有
戊申字
另

上大婚禮成皇后何舍里氏內大臣噶布喇
女 九月二十五日加上

太皇太后徽號曰昭聖慈壽恭簡安懿章慶

敦惠溫莊 二字 太皇太后

皇太后徽號曰仁憲恪順 二字 皇太后

恩款五條 十月丁丑戌時湖廣常德府地

震有聲 十二月兩江督郎廷佐報溧陽縣

二月一條別本
係五年正月

民下有浚川二字
壘下有一顆字另

民獲玉璽篆文人心惟危至允執厥中十六
字命貯內庫賞獲璽人顧起龍等各銀五十

西

康熙五年六月添設六科滿漢給事中各一

員 八月給事中張維赤請擇吉親政報聞

十一月先是睿親王將鑲黃應得之地給

與正白旗而給鑲黃旗地於右翼之末二十

三月平四三程報勅旨祿
昌員子隴著取察數十
去歲保平設開化府永定州
六月上有此條另

黃下有旗 另

餘年旗民安業及鑲黃旗鰲拜與正白旗蘇克產哈同輔政有隙鰲拜故立意更換命大學士蘇納海侍郎雷虎會同巡撫王登聯總督朱昌祚酌議圈換至是昌祚登聯言圈地不便旗民交困請停止輔臣稱旨將蘇納海昌祚登聯皆拿禁十二月刑部議蘇納海撥地遲誤朱昌祚王登聯紛更妄奏應鞭一百籍家產

上召輔臣詢問蘇克薩哈不對鰲拜索尼過必隆堅奏應置重典

上未允鰲拜出稱旨蘇納海朱昌祚王登聯情罪重大著即處絞藉家產

康熙六年正月定王貝勒等執事人役衣服俱用綠色二月吳三桂報官兵進剿烏撤

生擒女酋隴氏及逆黨萬餘。四月江南奸民沈天甫、呂中夏、麟奇等撰逆詩二卷，詭稱黃尊素等百七十人作。陳濟生編輯，故明大學士吳姓等六人為之序。沈天甫使夏麟奇詣吳姓之子中書吳元萊所，詐索財物。元萊察其書非父手蹟，控於巡撫。御史以聞，下所司鞫訊。沈天甫等皆棄市，其被誣者悉不問。

初旨陝西刑部等處黃鼠狼
地生黑虫七日墮黑霜
刑部上言格另

刑部議覆御史田六善疏言：近見奸民捏詞詐害，在南方不曰通海，則曰逆書；在北方不曰于七賊黨，則曰逃人。謂非此不足以聳天聽，下怖小民，請敕督撫即與審理。情寔者，據寔奏聞，情虛者，依律反坐。如不候督撫審結，徑來叩閣者，依光棍例治罪。查定例不俟原官審結，徑行叩閣者，旗人枷號兩月，鞭

一百民責四十板流三千里從之 五月丙
午諭吏部等衙門民為邦本必使家給人足
安生樂業方可稱太平之治近聞直隸各省
民多失所疾苦顛連深可憫念或係官吏貪
酷朘削窮黎抑或法制未便致民失業果何
道以遂其生耶一坊民生利病應行應革爾
內外各衙門大小文武等官念切民依其各

坊作坊

抒所見毋隱 吏部覆御史李崇奏例監考
補中書三年後即陞部屬進士舉人乃遲至
十年之久始得官職應行停止將各科進士
咨取考試得旨各科進士不必拘年分前後
人數有願考者預行選取堪用者遇缺即補
七月上躬親大政御太和殿羣臣表賀宣
詔天下恩款十七條 太子太保內大臣蘇

五月上以輔臣公鰲并結黨擅權弗思悔改命議改大臣等逮治鰲并罪罪上諭曰前工部尚書員缺鰲并
以朕素不知之濟世安民才能推補通同結黨以欺朕躬又奏稱戶部尚書應授二員將馬爾賽狗情神
用又鰲并于朕前辦事不求當理稍有拂意即將部臣叱喝引見時在朕前施威震衆糾道官條奏鰲
并屢并屢止恐身干物議因塞言路凡因人行政欺慢專權恣意妄為文武各官欲不出伊門下與穆里瑪
等結成死黨凡事在家定議然後施行且倚仗凶惡索毀國典古伊相合者則荐拔之不合者則陷害之朕念鰲
并舊臣望其改惡悔過今乃貪婪賄賂奸党日甚上違君父重托下則殘害生民種々惡跡難以枚舉其嚴拿勘
審過必隆同列輔政明知其惡而緘口不語阿南達班布爾喜克惡具子那摩佛徑塞本得差令法司逮問
康親王傑書等助問鰲并罪款三十過必隆罪款十二阿南達班布爾喜克惡具子那摩佛罪款十二塞
本得罪款六 上親加鞠問情罪俱實論曰鰲并以熟舊大臣受恩深重自宜克己遠詔輔佐政務理宜精白乃心
不忠圖報不意結黨專權紊亂國政紛更成憲罔上行私朕久已悉知尚望其政行從善克保功名以全終始乃
近觀其罪惡日多命諸王大臣公同究審俱已得實以所犯重大擬以正法本當依擬處分但念鰲并在朝効力年
久且 皇考曾延倚任朕不思加誅姑從寬革職籍沒仍行拘禁過必隆知鰲并樹黨亂政不豫行糾劾致坐
罪今念其為 皇考顧命大臣且熟臣子其咎止于因循瞻顧未嘗躬負重愆特為寬宥仍以公爵宿衛內廷
阿南達班布爾喜克那摩佛亦免死革職拘禁寨本得立斬阿思哈噶福哈穆里瑪秦壁圖
訥莫俱立斬余各從輕治罪

太祖

太祖

太宗配享園立方澤著於冬至舉行 九月

雲貴總督卞三元提督張國柱李本深合詞

請吳三桂仍總管滇黔事務得旨該藩以精

力日減奏請故允行若令王復理事務恐其

過勞以致精力大損如邊疆軍機王自應料

理 十月巳郊奉天府承德縣地震有聲

卷六

二十五

克薩哈奏求守陵輔臣等稱旨。克薩哈不職，有何逼迫之處。著王大臣議奏。未幾允議。

上既親大政，命吏部具列部院大臣職名，親加甄別。會禮部有題取實詔奉差官員違例冒濫事，特旨嚴飭。并諭吏部曰：李若琳身任禮部尚書，令檢專擅，與馮銓交結親密，朋比為奸，著革職。為民永不叙用。漕督屈盡美疏言：現裁推官漕糧之員，監兌臣以通行各省，令知府監兌，以速漕務。上以盡美不請旨擅行，下部察議。尋議于同知通判內斟酌，奏用盡美降二級，准抵尋疏。楚省有漕，府同知僅有清軍，及經收一版，稅之責糧務，乃通判職司，應專責監兌從之。

九月上有此二條，別年。

世祖章皇帝

太祖

太宗配享園立方澤，著於冬至舉行。九月，雲貴總督卞三元提督張國柱、李本深合詞請吳三桂仍總管滇黔事務，得旨。該藩以精力日減，奏請故允行。若令王復理事務，恐其過勞，以致精力大損。如邊疆軍機，王自應料理。十月己卯，奉天府承德縣地震，有聲。

克薩哈奏求守陵輔臣等稱昔燕克薩哈不
職有何逼迫之處著王大臣議奏未幾允議
將伊子孫並本旗兄弟俱拿問既而議上蘇
克薩哈二十四罪俱寔應凌遲處死
上不允鰲拜強奏累日竟坐處絞其子查克
旦凌遲處死叔弟姪皆斬決 奉
世祖章皇帝

太祖

太宗配享園立方澤著於冬至舉行 九月
雲貴總督卞三元提督張國柱李本深合詞
請吳三桂仍總管滇黔事務得旨該藩以精
力日減奏請故允行若令王復理事務恐其
過勞以致精力大損如邊疆軍機王自應料
理 十月巳邗奉天府承德縣地震有聲

十一月加上

太皇太后徽號曰康和

皇太后曰誠

頒恩天下以

世祖配天禮成也

康熙七年四月癸巳申刻金星見午位色微

暗下詔脩省 五月癸丑子時京師地震初七

初九十三日
未末皆震

六月山東地震

癸酉金星

復八股

晝見 七月命鄉會試復以八股文取士

草職漕督恭順侯吳惟華密疏請徵各州縣

鎮市房號銀兩及江南三十餘州令民納價

領種

上惡其害民斂財文刑部議罪 八月命都

統內大臣大學士尚書精奇尼哈番以上各

文付也

恐于訛

照寔級用棍傘行走護軍統領前鋒統領副都統侍郎各照職掌品級用執事行走九
月庚子金星晝見十一月治理歷法南懷
仁劾奏欽天監副吳明煊所造康熙八年七
政民歷內閏十二月應是九年正月又一年
兩春分兩秋分種上差誤旨會議具奏

康熙八年二月議政王等會議前命大臣二

月作日夏是也

尋推年閏十二月為九年閏三月
通行天下將現頒歷所載閏不
必有推行下者考之可

南懷仁堂曆

十月赴觀象臺測驗南懷仁遂款皆符吳明
煊逐款皆錯南懷仁推算九十六刻之法既
合天象應自九年始將歷日推行三月授
西洋人南懷仁為欽天監監副以其節氣占
候符合也四月丁丑幸太學五月拿問
輔臣公鰲拜過必隆阿南達等康親王傑
書等勘問鰲拜罪款三十過必隆罪款十二

班布爾善罪款二十三。鰲拜姪塞本得罪六。得旨鰲拜革職籍沒。拘禁。過必隆免罪。草太師及公爵阿南達免死。宗室班布爾善絞。塞本得立斬。阿思哈噶褚哈穆里瑪泰璧圖訥莫俱立斬。餘各從輕治罪有差。給還蘇克薩哈等原官。及白爾黑圖等官職。六月禮科給事中吳國龍奏。今日百姓誠有如

有下有二弊字

上諭。財盡力窮。民不聊生矣。但疾苦固多端。而催科較甚。極救鮮良法。而除豁為恩。請自康熙八年以前軍民尾欠錢糧。盡行蠲免。以豁窮黎。尋部議。查順治十八年以前拖欠錢糧。于康熙四年盡行蠲免。而康熙元年以後拖欠錢糧。若再行蠲免。恐不肖有司。知其頻蠲。將已徵在官者。作為拖欠。希圖倖免。難以

恐拖

議蠲旨依議。又左都御史馮溥請收夏稅定于六月秋糧定于十月刑部侍郎王清請徵糧之期限於五六月完五分九十月完五分戶部尚書郝惟訥侍郎艾元徵嚴正矩請將夏稅定于五六月秋糧定于九十月徵收兵部尚書王宏祚言本年存剩之銀可撥次年春季之餉請少寬徵糧限期云云尋戶部

季有六字

分上有六月

巡銀誤

議未便准從旨。這錢糧夏秋徵收本當先行。但國用尚在不敷。俟錢糧充足時戶部奏請舉行。又御史趙璟遵旨條奏。查順治四年所定官員經費錄內各官俸薪心紅等項。比今俸銀數倍之多。猶為不足。一旦裁減。至總督每年支俸一百五十五兩。巡撫一百三十兩。知州八十兩。知縣四十五兩。且以知縣論每

月支俸三兩零，一家一日粗食安飽，兼喂馬
正亦得費銀五錢，一月俸不足五六日之費，
尚有二十餘日，將忍飢不食乎？不取之百
姓，勢必飢寒，若督撫勢必取之下屬，所以禁
貪而愈貪也。夫初任不得已，畧貪小賍，以足
日用，及日久賍多，自知罪莫贖，反資大貪，下
官行賄以塞上司之口，上司受賍以庇下官
之貪，打成一片。臣以為俸祿不增，貪風不息，
下情不達，廉吏難安。請勅查取原定經費錄，
額設款項，從長會議，或將本省應徵稅銀與
折納贖銀，加增官員俸祿，得旨該部知道。
諭戶部：朕纘承丕基，又安天下，漢滿軍民原
無異視。比年以來，復將民間房地圈給旗下，
以致民生失業，深為可憫。自後圈結民間房

聯作朕另

地永行停止其今年所已圈者悉令給還
七月昭雪蘓納海朱昌祚王登朕各賜謚
刑部議吳明煊罪旨從寬責四十板 戶部
等衙門題為請復存留錢糧以杜私派以安
民生事戶部尚書郝惟訥侍郎文元微嚴正
矩遵旨陳奏康熙七年酌省存留一案在議
者以度支勿給一裁減而所得寔多殊不知

私作苛另

心橫誤

我朝定鼎以來屢經裁汰見在所存之數萬
難再減其地方費用不足勢必仍派諸民貧
汙之輩籍口橫加民財愈盡矣即如進表朝
覲以及鄉飲科場等款皆係大典脩理城垣
倉庫製造軍器火藥等款皆係要務至於教
官馬匹草料一裁則寒毡有步行之苦鋪兵塘
馬工食一裁則貧役有橐腹之悲孫貧獄囚

枵 孫貧巨解
孫作孤另

口糧一裁則竟獨無以自存而有罪者不
得邀矜於法外况各省存留錢糧臣部俱核
確應用寔數方准銷算原未嘗任其冒破則
七年議裁各款似應於九年為始照舊復其
存留至於應裁白糧水脚改徵漕糧折色一
款請勅總漕等確查有無累民可否久行據
寔具題可也又刑部尚書朱之弼題為請復

存留錢糧以惠民生事生民疾苦大事莫過
於康熙七年酌省存留錢糧一案夫存留錢
糧原留為地方之用裁一分則少一分地方
官事不容已不得不又派之民間且不肖有
司因以為利是又重增無限之苦累矣乞勅
部察核康熙七年以前存留數目仍令存留
則百姓可免重派之累又御史連國輔題請

復裁減各項必需之錢糧以培國本以甦民
累事臣伏見康熙七年戶部裁減各項錢糧
內有必不容裁減者如學道考生員歲季考
等銀舉人進士盤費匾額等銀此朝廷作養
人材之需也如鄉飲酒席此復禮耆老之需
也如修理城垣此未雨綢繆之需也他需各
官心紅紙張由單造冊併看守監倉及鋪兵

工食等項無一非必需之費一旦悉為裁減
不知既無錢糧動支又無別項設處勢必科
派民財以充費用嗟此三空四盡之餘何堪
此額外誅求乎乞勅部確查議覆奉旨該戶部
議奏臣等查直隸各省原額存留銀共一
千六百九萬三千八十五兩零除驛站河夫
等銀四百一十四萬一百三十三兩寔原額

存留銀六百五十五萬二千九百五十二兩
零向因兵餉不敷通共裁過銀三百一十六
萬五千三百四十六兩零尚存銀三百三十
八萬七千六百六兩零又於康熙七年裁銀
一百七十四萬四千三百六十九兩零止寔
在存留銀一百六十四萬三千二百三十七
兩零各省除荒之數俱在此內臣等會議其

康熙七年所裁各款自九年為始復其存留
旨依議其白糧水脚每石八錢并經費等項
照舊全留又漕米內改折稔于米十五萬石
不便改折應仍舊八月康親王等議覆南懷
仁等呈告楊光先依附鰲拜捏詞並又將歷
代所用之洪範五行稱為滅蠻經致李祖白
等各官正法援引吳明烜謊奏宮誣告湯

脫字○空格中一本
有稔字

若望謀叛情罪重大應擬斬湯若望復通
微教師之名得旨楊光先年老姑從寬免其
天主教除南懷仁等照常自行外恐直省復
立堂入教仍著嚴行禁止。九月甲午寅時
京師地震有聲。山東邱縣孝子王昌祚割
肝療父父病立起特旨給旌後不為例。十
月以重脩盧溝橋告成御製碑文。十一月

太和殿 乾清宮告成御殿行慶賀禮

上由武英殿移居乾清宮頒詔天下恩款十
五條

康熙九年正月復過必隆公爵。二月諭刑
部盜案内論死者甚多其為誣引株連亦連
有之宜加詳勘至於夾棍乃慘痛之刑必不
得已而後用其慎之毋忽。諭刑部流徒尚

徒

陽堡寧古塔罪人衣絮單薄凍斃於路甚為
可憫自今十月至正月及六月俱勿遣
五月加上
孝康慈和皇太后為章皇后并祔

太廟

康熙十年五月給事中姚文然言江南百姓
羣集鼓勵保留總督麻勒吉且云麻勒吉自

被鎖拿顏黑面削臣竊思官列大僚免冠帶
鎖愧辱難堪乞特恩寬其鎖繫至於所犯事
情審有寔據自有應得之罪旨說得是以後
官員犯罪鎖禁鎖拿著永行停止
六月甲午金星晝見以故靖南王耿繼茂子和碩
額駙耿精忠襲爵
十二月召翰林院掌院
學士傳達禮至懋勤殿諭曰翰林院起居注

六月上脫
靖南王有疾奏
以精忠代理藩
務允之一條

傳作博戶

職任重大關係機密朕以爾才品優卓寔可信任故行簡用爾其勉以副朕意

康熙十一年八月王大臣等議覆御史孟熊飛疏言孫可望係張獻忠餘黨擾亂邊陲後為李定國所敗窮蹙乞降前有重大之罪後無纖微之勞我國家格外殊恩授以義王顯爵及伊身死已襲替二次今孫徵淳故若仍

令再襲則後此世世冒濫無已請停其襲替或降封應如所請降授義公得旨公止一義字于例不合著再議降為慕義公十二月召講官等至懋勤殿諭曰漢官中有請令言官以風聞言事者朕思忠愛之言切中事理息其不多若不肖之徒借端生事假公濟私人主不察必至傾害善良擾亂國政為害甚

許作訂另

三月下晚土魯番入貢疏
言臣國蹇遭變亂不置

能進獻今地方稍平特

遣元魯和際于一千

三年二月二十八日達貢方物

空裕中有廣字

据前文御字下

脫懋字

鉅又諭曰從來與民休息道在不擾與其多
一事不如省一事朕觀前代君臣每多好大
喜功勞民傷財紊亂舊章虛耗元氣上下訐

康熙十二年三月

上御 口 德殿諭講官曰從來民生不遂由於

吏治不清長吏賢則百姓自安矣天下善事

俱是分所當為近見有寸長片善便自矜誇

是好名也又曰有治人無治法但真能任事

者亦難得朕觀人必先心術次才學心術不

善縱有才學何用殺平南王尚可喜疏請歸

老遼東得旨嘉獎官兵家口作何遷移安插

著會議 七月平西王吳三桂疏請撤藩得

旨嘉獎官員家口作何遷移安插著會議

殺字惡衍

何作可另

靖南王耿精忠疏請撤藩旨如前。諭講官曰朕或出郊外或幸南苑翰林官員遠離家鄉京城毫無資產扈從不免艱苦嗣後所用帳房一切應用物件酌定數目由內府給與。八月差禮部左侍郎折爾肯傳達禮往雲南戶部尚書梁清標往廣東吏部侍郎陳一炳往福建經理各撤藩兵起行事宜。九月

竟作黨另

乙亥京師地震。十二月差往貴州備辦夫船芻糗事務郎中竟務禮員外郎薩穆哈馳駟回京奏稱雲貴總督甘文焜言吳三桂於十一月二十一日殺雲撫朱國治以所部兵反前差往侍郎折爾肯等被留。上召議政王大臣等諭曰吳三桂已反荊州乃咽喉要地著前鋒統領碩岱帶海佐領前

帶海恐倒喉
著作差另

周王元年下脫改
元昭武鑄錢
曰利用通宝字

鋒一名兼程前往保守荊州以固軍民之心
並進據常德以遏賊勢其陸續遣發大兵往
剿之處著速議川湖督蔡毓榮疏報吳三
桂反偽稱天下都招討兵馬大元帥以明年
甲寅為周王元年貴州提督李本深叛應之
前差往主事辛珠筆帖式薩爾徒不屈死總
督甘文焜聞變將十餘騎出貴陽府至鎮遠

守將應賊圍之文焜自殺巡撫曹申吉降賊

賊逼鎮遠漸入楚境停撤平南靖南二藩

召梁清標陳一炳還奸民楊起隆詐稱朱

三太子糾黨謀叛約于京城內外放火舉事

官兵往捕拿獲其黨陳益等數百人楊起隆

逃去命多羅順承郡王勒爾錦為寧南靖

寇大將軍總統都羅貝勒察尼都統覺羅未

朱三太子

謀反下有以白布裹
頭紅布披身為号
字

恐多誤
未下文皆作朱

瓦

滿鄂內伯宜理布覺羅巴爾布等同往湖廣
拿禁吳三桂子吳應熊詔削三桂爵宣
諭雲貴官員軍民命都統業赫為安西將
軍同將軍丸爾達等由漢中入蜀護軍統領
胡禮布為副將軍同往

康熙十三年正月遣都統覺羅巴爾布護軍
統領伊爾度齊額司泰率護軍驍騎先赴荆

州命擴爾坤移駐西安湖廣督蔡毓榮

報賊兵已抵清浪衛逼沅州請大兵馳勅令
提督桑峨疾馳赴沅協守諭兵部近聞京
城小民驚恐欲於城外西山處所遷移逃避
殊非朕安撫百姓之意前令緝獲假稱朱三
之楊起隆與良民毫無干預並無驅逐居民
移居城外之事即昨暫閉城門因有人舉首

臣作城另

楊起隆匿藏大臣之內故行嚴緝非有他故
爾百姓勿妄聽訛言致生疑畏宜各安生業
如平時爾部通行曉諭勒爾錦業赫師行
改鄂善雲貴總督駐湖廣協剿 蔡毓榮
報賊於十二月二十九日陷沅州總兵崔世
祿被執禮辰路梗 上命順承郡王發驍騎
馳赴荊州 命都統尼雅翰為鎮南將軍領

速

德州等處馳防賊兵鎮兗州副都統馬哈達
席布叅贊軍務 侍衛夸塞自荊州馳還奏
偏沅巡撫盧震棄長沙奔岳州命都統朱滿
領兵速赴武昌 令江寧府將軍額楚鎮海將
軍王之爾各遣兵防守安慶並勅尼雅翰速
抵安慶總統諸師馬哈達隨征江寧 四川
巡撫羅森提督鄭蛟麟總兵譚宏其之茂等

下文化吳

以四川叛降賊命總兵徐沿都還守彝陵
以席卜臣為鎮西將軍與副都統巴喀德業
立守西安援進川大兵以趙國祚為江西
提督王永譽為河南提督命副都統擴爾
坤帥師赴漢中二月
太皇太后出宮中銀幣犒軍偽總兵楊寶
應犯常德其父原任提督楊遇明為內應知

府翁應兆從逆常德潰以周有德總督四
川張德地巡撫四川賊犯澧州守卒以城
叛提督桑峨等退保荊州以胡拜為雲南
提督趙賴為貴州提督湖督報長沙副將
黃正卿等以城叛降賊命都統朱滿馳守
岳州申諭大將軍等嚴禁兵士侵擾百姓
授刑部尚書莫洛為大學士經畧陝西以

陝西西控番回南通巴蜀恐吳三桂煽亂人心搖惑故也
兩廣督金光祖報廣西將軍孫延齡反自稱安遠大將軍殺都統王永年副都統孟一茂等執巡撫馬雄鎮幽之
三月三桂偽將劉之復陶繼智等犯彛陵額司泰傳作宜順承郡王遣護軍統領額司泰等擊敗之賊遁回宜都
以華善為安南將軍鎮京口
杭

采作來

州將軍圖喇報耿精忠反福建總督范承謨罵賊不屈賊幽之巡撫劉秉政降賊
鄭陽副將洪福以所部叛提督佟國瑤擊之
襄陽總兵楊采嘉據穀城叛
以內大臣希爾根為定南將軍尚書哈爾哈齊副之統兵赴江西以討耿精忠護軍統領桑道吏部侍郎覺羅舒怒副都統根特巴爾魯席布泰其

軍又以武昌有警命都統覺羅巴爾布護軍統領伊爾度齊率師赴武昌西安將軍瓦爾喀等敗吳逆偽總兵葉某克復陽平關四月奉使雲南禮部侍郎折爾肯翰林院學士傳達禮還至武昌携有吳三桂奏章上諭王大臣軍等益加警備仍招致之賊將陶繼智復犯彝陵都統鄂內擊破之調

西安副都統德業立隨征總兵馬雲程高登科守襄陽以喇哈達為鎮東將軍統兵鎮兗州副都統伯穆赫林甘度海叅贊軍務逮盧震論死吳三桂子應熊孫世霖伏誅福建告急命副都統胡國馬哈達率兵赴杭州下詔削孫延齡職尚可喜執吳三桂使人並逆書奏聞以阿密達為楊威將

奏下有

誅

軍鎮江寧。以賴塔為平南將軍，統兵赴杭州討耿精忠。潮州總兵劉進忠以城叛降精忠，與續順公沈瑞兵巷戰，遂引賊兵入城。尚可喜奏吳越遺賊二萬屯黃沙河，恐與孫逆合，請兵以根特巴爾魯為平寇將軍討孫延齡。河北總兵蔡祿謀叛，與楊來嘉通，阿密達擒以聞伏謀。下詔削耿精忠爵。

詔以分遣禁旅，調度情刑，示平南王尚可喜曰：今寧南靖寇大將軍順承郡王率大軍由常澧進平雲貴，鎮南將軍尼雅翰都統朱滿巴爾布等帥師由武昌水陸進取岳州長沙，直入廣西，都統宜理布等帥師駐彝陵，都統范達禮等駐鄖襄安西，將軍赫業等由漢中進取四川，副都統擴爾坤、吳國楨等駐漢

中鎮西將軍席卜臣等駐西安復遣尚書莫
洛經畧三秦師大兵居中調度鎮東將軍喇
哈達等於山東河南江南要地控制安南將
軍華善等於京口水陸駐防揚威將軍阿密
達等防守江寧安慶沿江險要平南將軍賴
塔由浙江平定福建浙江將軍圖喇駐杭州
兼理海疆定南將軍希爾根等亦由江西平

定福建平寇將軍根特巴圖魯席布等往廣
東會王進剿一切機宜王共參酌以行

五月皇后何舍里氏崩安西將軍業赫等
自漠中抵七盤關破賊于關口及種子鋪山
下進抵朝天關敗三桂偽總兵石存禮於劄
閣鋪山下克復朝天關平陽兵變執總兵
蔡朝佐以叛與耿精忠偽將曾養性合圍瑞

安命將軍賴塔等督兵討之。副都統德業
立大敗叛將洪福於武當山下。六月遣郎
中周襄緒等奉詔往福建招諭耿精忠。命
戶部侍郎達都赴浙江督理大兵糧餉。授
多羅貝勒尚喜為安遠靖寇大將軍。帥師赴
岳州。固山貝子準達帥師赴荊州。江西撫
董衛國報叛。并祠并勾連閩逆。竊踞廣信諸

處麻蓬地方。賊兵繼起。諭定南將軍希爾根
與根時巴圖魯等合剿之。總兵祖宏勳以
溫州叛。耿精忠偽將李雲龍犯常山開化。
金華副將牟大寅擊敗之。斬其偽參將張雄。
命將軍喇哈達鎮守杭州。孫延齡犯柳
州。馬雄告急。詔尚可喜。金光祖發兵援之。
命將軍賴塔進取福建。以陳洪明巡撫廣西。

以和碩康親王傑書為奉命大將軍統兵赴
浙江多羅貝勒董額為定西大將軍統兵赴四
川冊謚

大行皇后曰仁孝皇后 浙江温州羅清黃
巖太平諸營相繼叛詔將軍喇哈達調兵守台
寧 江西巡撫董衛國報耿逆遣賊李連李
太等犯建昌杉關官兵擊敗之 七月以

即廷佐總督福建段應舉為隨征福建提督
叛將劉進忠遣其黨據程鄉縣官兵擊敗
之復其城 南瑞總兵楊審謀通賊事覺伏
誅時精忠陷石城聲犯寧都命將軍希爾根
等嚴守贛州以趙應奎充袁臨總兵防袁州
精忠偽將閔標犯金華將軍喇哈達遣副
都統鄂申巴圖魯擒斬之 三桂偽將劉之

聲下逃脫言字時當作
耿另

復犯宜都。副都統蘇虎濟等擊敗之。大將
軍勒爾錦遣貝勒察尼將軍尼雅翰等分水
陸進攻岳州。敗賊將吳應麟于七里山。副
都統馬哈達雅達理敗賊于金華。浙督李
之芳報賊合力犯衢州。臣兵單可虞。命喇哈
達速赴衢州。四川督周有德報偽總兵彭
時亨犯廣元。副將張登科等敗之。董衛國

報閩賊犯寧都。遊擊周球等擊敗之。八月
遊擊周球等復石城。江西饒州營兵變。
李之芳報都司姚世熙等大敗耿逆兵于衢
州杜澤大洲等處。又耿逆勾連土賊從處州
逼金華。副都統鄂申陳世凱擊敗之。
命總督蔡毓榮協剿湖南。順承郡王嚴兵守
荊州。叛將劉進忠黨劉斌據普寧。我兵進

剿賊迎敵被陷知縣段藻閉門拒之復縣城
賴塔報七月賊犯金華副都統喇哈等九
戰皆捷復諸暨義烏二縣 李之芳報遊擊
王世望等敗賊於龍游副將鮑虎復壽昌
李之芳報新昌知縣陳大典殺賊全城紹興
知府許宏勳等守備吳良駿等敗賊於城外賊
遁犯仙居都司汪國祥敗之 命治歷法南

全作全另


懷仁鑄造輕利火礮以助大軍進剿 海澄
公黃梧卒子芳度偽降賊募舊兵斬賊將劉
豹等三人固守漳城遣間使黃籃以聞且請
速救詔褒之令襲父爵以其兄侍衛芳世為
隨征福建總兵官令同尚可喜進剿 護軍
統領桑過等敗耿逆兵於撫州 襄陽總兵
劉成龍下荆南道石琳率兵攻剿南漳縣天

疎

門寨賊安撫各寨洞 官兵復梧州 總兵
李榮剿賊金華焚其木城副將鮑虎破賊五
營復淳安 賊圍黃巖甚急又寧海象山新
昌餘姚四縣賊眾蜂起請速救台州保寧海
旨著將軍賴塔喇哈達商酌 飭隨營蒙古
兵違法掠民者罪死 江西官兵復萬年縣
浙江副將鮑虎復遂安叅將洪起元復疎

縣 命護軍統領桑遇移師駐袁州
上諭王大臣聞岳州三面臨湖賊於陸路一
面浚濠築壘據守頗堅詔將軍尼雅翰移師
江西與副都統甘度海等合兵自袁州進取
長沙夾攻岳州 兩河提工告竣加河道總
督王光裕兵部尚書銜 李之芳報副都統
胡圖副將王廷梅敗賊於石梁大溝源總兵

李榮復東陽



東華錄卷之六

文化茂辰

